

重校宋竇太師瘡瘍經驗全書

重校宋竇太師瘡瘍經驗全書附世傳秘方卷第十目錄

宋燕山竇漢卿輯著

明三衢大酉堂繡梓

蟲症方 又方 十腫 小便不通 又方 久痢

神效肚痛丸 噤口痢 烏金散 治婦人多年積塊

又紫金丹 又勝金散 黃病吃茶 肺毒面生瘡

哮喘咳嗽 小靈丹 濕氣風癰 腦漏 又方

噎食 哮喘 小腸疝氣 面上小瘡 食肉而瀉

漏孔不合 婦人白帶 又方 白淋 心痛

濕氣作疹 經脉不調 足麻 又方 目疾 耳聾

又方 心疼 治肚痛 牙疼 又方 風牙 婦人

白帶 口臭 魚口瘡 絕產 乏乳 婦人血崩

老幼久嗽 男白淋 頭疼 腰疼 老人遺尿

火丹 脚根裂 小兒遺尿 諸骨哽 虫入耳

兩眼腫 頭風六月畏寒 風痛數年 食肉生中毒

去牙 牛肉中毒 鳥獸肉中毒 菓中毒 蟹毒

花椒氣閉 水銀入耳 婦心痛數年 冷氣吐白沫

嘈雜吐清水 翻胃 病後身黃 九種心痛 腰痛

赤鼻 乾嘔 胃反嘔吐 噦逆 腰曲難伸 心痛

吞針 吞錢 頭腫 中惡卒死 婦人 膝冷 婦人

足下強硬 兒尿不禁 婦新久腹痛 催生 兒枕

小便血 水瀉 噤口痢 九竅出血 牙冷痛

肚痛丸 小便出大便 過忍小便胞轉 寸白虫

五絕死 又方 自縊 又法 溺水死 又方二

木石壓死 又方二 中惡客忤 又 夏月途中熱死

中河魴毒 六畜肉毒 巴豆毒 誤食桐油 虎傷

蛇傷 又方二 絞腸沙 又方 痰喘 咳嗽 嘔噎

吐血

又方

鼻中出血

消渴

黃疸黑疸

小便不通

又方三大便不通

瀉利

赤白痢

諸痢明目

赤眼

又方

蠅入耳

蟻入耳

蜈蚣入耳

牙疼哮

水蠱

無故尿血

蜘蛛咬

腹滿

喘化

反胃

癆病

麥斗金接骨

又方

折傷

刀傷

又方

蛇咬

又方

風犬咬

又方二

酒查鼻

又方

疝氣

又方二小腸氣

又方二

解諸般毒

骨哽

又方

雞魚骨硬

又方

火湯

刀傷

耳脹

又方

酒醉氣絕

第十一卷目錄畢

重校宋寶太師瘡瘍經驗全書附世傳秘方第十一卷

蠱症用雄猪肚一箇入蝦蟆在內線縫之煮爛去蝦蟆

食之服過十五度即愈

一方猪肚內入蓮肉十枚天麻子肉二百粒線縫煮爛去麻子蓮肉熱白食之勿食

又方 十腫水氣肚腹四肢重者卧不能食并一切氣

血蠱水腫如服或大便先行次下水一服未愈隔三

日再服不退再服五七日除根忌鹽醬一百二十日

如不忌後發壯可治老難治

大戟

取勝水

甘遂

取肝水

麻黃

取皮水

葶藶

取心水

堇花

取通水

烏桕樹根

取腹水

苦葫芦

取腎水

牽牛

取遍身水

細辛

取氣水

栝柳

取水沖

防風

取水

蛤粉

取肺

桑皮

取腸

橘皮

取水

右各等分為細末每服一錢五更姜湯送下後補藥

砂仁五錢

木香一錢

訶子

去核

丁香

一錢

蒼朮

一兩

栝柳

一錢

蓬朮

五錢

白朮

一兩

人參

一錢

川芎

五錢

香附

炒一兩

常山

一兩

右吹咀每服三錢葱白三寸水一鍾煎八分空心午

后日二服

十腫如用

一日青水先從面起其源在肺加大戟

二日黃水先從腹起其源在脾加甘遂

三日赤水先從胸膈其源在心加水銀葶藶

四日白水先從氣急腹滿其源在肺加葶藶

五日黑水先從脚起虛腫其源在腎加連翹澤瀉

六日弦水先從頭目起其源在胆加羌活

七日風水先從四肢腫起其源在胃加澤瀉

八日石水先從腹攻膈其源在膀胱加桑皮

九日囊水先從腸鳴脹滿水連臍痛者源在大腹加生

姜汁

十日氣水癭水乍上乍下攻脇加大腹皮

膀胱有熱小便不通用朴硝不拘多少空心茴香湯下
立通

又方

大田螺

四個

大蒜

五個去皮

車前子

三錢為末

右三味研為一處為餅一餅貼入臍中以手帕縛之

貼藥後少頃水從小便出一二餅而愈甚妙

文痢槐花散

槐花

荆芥穗

青皮

炒

右水煎服

神効肚痛丸

黃蠟

飛丹

各一

芭苳仁

七枚

杏仁

四十粒

研碎

右將蠟溶化加丹并三味為丸每服七丸姜湯下

噤口痢

用芥菜子淘淨為末將紙包貼小腹并臍上如熱當不得將藥放下如口中不澆辣再敷得效方止

烏金散

治婦人二三十年積塊

大棗十枚巴豆十粒將豆入棗中安放舊鍋中燒炒黑色為度為末每服一錢酒調臨卧三茶一齊服之

先服烏金散中服紫金丹后服勝金散直到天明取
下其積用紫金散補之

紫金丹

禹餘糧石燒紅酒淬三五遍為末麵糊丸每服三四
十九白酒送下

勝金散

甘草 大黃 石膏 各等分為末酒調下三錢

黃病好食茶

大鯽魚三兩個去腸帶鱗入茶末在腹內將濕紙裹

煨熟去茶末去魚鱗食之三五度則自然脫黃矣
肺毒頭面生瘡及大風等症

苦參 荊芥穗各等分為末用皂角濃煎汁為丸如
桐子大每服五十七丸空心米湯下

哮喘咳嗽立効

蜥蜴七條入雞子內紙封火炙乘熱吃下

小靈丹 治濕氣風癰等症能補十二經絡起陰發陽
開三焦破積氣益子息安五臟除心熱壯筋骨活氣
血白髮變黑

石中竹根

半斤

防風

四兩

荊芥

四兩

細辛

一升

四味和為一處絹袋盛貯礮內文武火煮放陰處七

日，后服之，每服空心半鍾，一鍾為止，大有神効。

腦漏

藕節

砂仁殼

二味煎湯空心服

又方

川芎

防風

羌活

甘草

白芷

藥本

細辛

辛夷

獨活

木通

薄荷

桔梗

噎食

枇杷葉 甘草 厚朴 紅棗 忌茶

哮喘立愈

殭蚕七條焙黃為末米湯下茶清亦可

小腸疝氣三服除根

地椒一名地蕪藥五大戟一錢五分

水煮食前服服後比口三摺△上于臍中兩臍傍各灸三壯艾炷如小麥大

面上小癰

半夏末鹽麵三味各等分搗為粉醋調勻敷上即退

食肉而瀉肉豈薏十枚和精猪肉四兩打碎若果煨熟
食之立効

漏孔不合用石楠葉煎湯放在桶內熏洗待湯通手就
將瘡洗淨后用黃牛面前牙四枚裝在小瓶內用木
屑燃之待白烟出為度取出研末用津液蘸牙末點
進之出黃水為効

婦人白帶

芍藥炒黃白欬炒各等分為末每服三錢一日服
酒下

實脾丸

乾山藥一斤炒黃色為末炒粳米二升一半為糊丸
米湯送下

白淋

廣皮一斤枳殼五兩麩皮炒黃木香不見火三兩

黃連

三兩姜汁拌炒

右四味為末空心白酒調下三

四匙日進三服白淋止再服煎劑二十帖方可成胎

治心痛

荔枝核

煨灰

用好生漆和為丸酒下五六丸即止

三才圖會卷之六
濕氣遍身作疼

野薔梅紅子一升好酒十斤煎隨量飲之

婦人經脉不調漸成癥瘕氣塊並皆治之

香附一斤炒黃色艾半斤用好醋煮炒黃色

右二味磨末用醋打糊丸如桐子大每服五六十丸
淡醋湯下日進二服忌生冷油膩等分

足麻貼藥

芥子 蒼朮 各等分為末每兩入射香三分姜葱
汁調搗成膏加白芨少許臨睡時貼上早晨去之將

睡再貼

又方服藥

蒼朮

米泔浸三錢七分上炒紫色

黃柏

二錢三分葱汁拌炒乾

白水煎服之或為末作丸亦可

目疾羊胆一枚割開入蜂蜜一錢線扎緊兩手揉勻水

煮一滾即取出冷水浸半日后用點眼疾

羊胆百草之精蜂蜜

百花草頭此為二

耳聾

甘草一塊削豆大紅綿包甘遂一塊豆大白綿包日

夜輪換塞耳

又方

吸鉄石一錢五分射香二分研末化黃蠟為丸豆如
指頭大綿包塞耳口內噙生鉄一塊牙咬緊此方通
一神

心疼 胡椒七粒菜豆九粒研破燒酒下不止再服止
冷肚痛陳皮青皮官桂各一錢水一鍾半煎溫服
牙疼 巴豆花椒為末同飯為丸如米大入痛處
又方 土硃樟冰各等分為末綿包扎緊咬痛處吐涎

風牙 蜂房一個 川椒二十粒 小麥一撮 暗醋半碗煎滾
乘熱嗽之

婦人白帶 魚膠慢火炒為末好酒送下

口臭 白芷七錢 甘草一錢為末鹽水調飲再擦嗽妙

魚口瘡 羝羊角燒灰末之每服一錢酒下左用左右用

絕產 紅花 肉桂各一兩 射香五分 煉蜜九豆大每

服二十九牛膝煎湯送下永無產矣

乏乳穿山甲瓦上焙乾為末酒下

婦人血崩

烏鷄一隻紫草一錢入肚內縫合白酒煮熟去草將
雞肉并酒三五次熱服如神 貫仲炒末酒下亦妙
老幼又嗽

杏仁二兩去皮尖胡朮肉四兩去皮研爛蜜丸彈子
大姜湯嚼下一丸

男子患白淋者

滑石三兩粉草五錢共燒為末先吃好酒一鍾后每
服二錢冷茶送下白午前服紅午后服

頭疼川芎石膏各一錢水煎臨睡服

腰疼杜仲鹽炒去絲為末腰子割破將末裝內扎定飯上蒸熟食之

老人遺尿薔薇根煎湯常服 又夜起多小便以糯粉作糕炙黃食之 又方晚間少飲茶湯

火丹 煤查與青菜同搗如泥塗上 葱搗如泥塗上 腳根裂破白芨赤石脂末塞之五日不犯水

小兒遺尿用紅紙剪馬四疋令小兒自安身下每夜如之

諸骨哽解開衣帶低頭視下部數次其骨不下行則上出矣

一切蟲入耳如在左耳以手緊閉右耳努氣至左耳其蟲自出

兩眼腫如菰大用猪鬃四根各插攢竹精明四六撚之待睡一覺醒去之妙

一人頭風六月畏寒重裹綿絮三十年不愈予以蕎麥粉二升水調打餅二片更換合頭上微汗出即愈
一人風痛數年余以七葉黃荊取根皮加接骨草五加

皮酒煎服

去牙法用草烏末略搽即去用好鹽湯洗之

一人食肉生中毒掘地深三尺取下土三升以水五升煮數沸取清汁服一升而愈

食牛肉中毒煮甘草膿汁飲即解

食鳥獸肉毒者大豆汁或鹽汁服之

諸果中毒猪骨燒灰冷水下一匙

食蟹毒紫蘇煎湯服之

食花椒氣閉新汲井水解之

水銀入人耳皆死以金銀着耳邊水銀即吐出

一婦人患心痛數年用茶末一分信半白湯調下吐瘀血一塊而愈

冷氣吐白沫良姜末三分燒酒調下

嘈雜吐清水上好廣皮去白為末五錢起坐床上安末五分于手心男左女右乾舐下而卧服三朝必効服此不好病難療也

翻胃水澄螺蛳泥晒乾為末大酒下一錢

一人大病后身面俱黃四肢無力吐血成盆諸藥不效

螺螄十一枚水漂去泥連殼搗爛六次露五更取澄清
水服四次黃去血止而愈

九種心痛惡心吐水積聚氣滯是有虫也

乾漆四兩慢火燒烟盡醋糊為丸豈不豆大食後酒醋
熱下三十五丸不愈再加

腰痛曲而難伸 山查末三錢茶酒煮湯隨下
赤鼻

枯凡三錢硫黃二錢卧時取三分于手心中嚼調以
指塗鼻孔內睡醒再塗三日則变色七日全愈

乾嘔噦并手足厥者 陳皮四兩 生薑半斤 水煎服
胃反嘔吐者 半夏二升 不切人參三兩 白蜜一升 水一
斗二升 和蜜搗之二百四十遍煎至四升溫服一升
餘再服

噦逆橘皮竹茹湯又治噫氣五七日不止者

橘皮二升 竹茹二升 大棗三十 生薑半斤 甘草五兩

人參一兩 水煎三四服

腰曲不伸重如帶石

赤茯苓

白朮

各四兩 炙甘草三兩

乾姜

二兩

每五錢煎水

一人心痛徹背背痛徹心

赤石脂 胡椒

乾姜各一兩 附子五錢 烏頭二錢

煉蜜丸每服一丸酒下三服自愈

一女人悞吞針入腹用蚕豆煮熟同並菜食之針從大便出

一人悞吞銅錢胡荹肉食之自化葶芥亦可

一人開藥舖忽頭腫如斗大如錐刺諸藥不効用煎甘草湯薰之另煎甘草膏飲之即愈 乃藥毒也

一人中惡卒死灸臍中百壯以皂角末吹鼻或韭汁灌

耳

一婦人膝冷至足湯火不能溫以附子治之不効用四物湯加黃柏知母四劑而愈

一婦人初足下強硬數月餘膝亦硬一年則手足骨節俱不能動卧床如癱又非風症知為虛也以人參常歸附子煎膏盡二箇而愈

小兒尿不禁 蜜一杯車前草汁和熬夜露清晨服之
婦人新火腹痛

玄胡蒼朮枳榔良姜各一錢茯苓肉桂丁皮乾姜各

五分三稜蓬木甘草青皮砂仁各八分連鬚葱白三
根水煎服効如神

催生魚膠八寸瓦上焙乾燒灰酒送下

產后兒枕痛山查一兩搗碎水二鍾煎八分入砂糖二
匙痛立止

小便血用病人頭髮燒灰酒下

水瀉腹中響如雷者軟石膏火煨老米飯為丸如桐子
大飛過黃丹為衣每服二十丸米湯下即効

噤口痢 蜂蜜沙糖并姜汁湯下 瀉用老米飲下肚

痛炒米湯下

九竅出血清晨頭一吊水喫面即止

牙冷痛 蒜半瓣巴豆肉一粒綿裹塞耳內

肚痛丸

雄黃二錢 巴豆仁二錢不去油 丸如芥子大每三粒

白湯下行利三四次痛即止

小便出大便五苓散加分利水谷之劑

過忍小便致轉胞滑石末葱酒調下二錢

寸白虫以黑龜一枚陳藏糟包裹火煨存性為末糊為丸
空心酒下三丸

治五絕死

自縊死溺水死打撲跌搥木石壓死產後血迷暈死
中惡鬼擊死夜魔死凡心頭溫者皆可救治用半夏
湯泡七次為末凡如豆大吹入鼻中噴嚏即活或用
皂莢為末吹入鼻中亦妙

又方

急於人中穴及兩腳尖母指甲離甲一韭葉許各灸
三五壯即活臍中灸百壯亦効

救自縊

凡自縊高懸者徐徐抱住解繩不得截斷上下安被
臥之以一人用腳踏其兩肩手挽其髮常令弦急勿
使緩縱一人以手按據胸上數磨動之一人摩將臂
脛屈伸之若已強直但漸屈之并按其腹如此一頃
雖得氣從口出呼吸眼開仍引按不住須臾以少桂
湯及粥清灌令喉潤漸漸能嚙乃止更令兩人以蘆
管吹其兩耳無不活者自旦至暮雖冷亦可救自暮
至旦陰氣盛為難救爾

又法

以一人兩手掩其口鼻勿令透氣一人用手摩其頸
痕兩時氣急則活

救溺水死

一宿者尚活用皂莢為末綿裹塞其門須臾出水即
活

又方救起放大橈臥着脚後橈拈起磚二塊却用鹽擦
臍中待水自流出切不可倒提出水但心下溫者皆
可救

又方急解衣帶灸臍中仍令兩人以蘆管吹其耳中

耶活

救木石壓死并跌搥傷從高墜下跌死氣絕不能言者

急拍開口以熱小便灌之

童便尤良

又方撲打墜損惡血攻心悶亂疼痛用乾荷葉五片燒令烟盡空腹以童便溫一鍾調下三錢日三服

又方被打惡血攻心用小便一碗溫服

救中惡鬼擊客忤一切卒死用菖蒲根生搗絞汁灌鼻中或口中即活

又方治鬼擊病忤着人如刀刺胸腹內痛不可按熟艾

水煮服若卒心痛為客氣所中者當吐出虫物
救夏月途中熱死者不可用冷水灌沃及以冷物逼外
得冷即死宜移置陰處急取路上熱土於死人臍作
窩多令人尿溺於臍中又取路上熱土并大蒜同研
爛水調去渣灌下

中河豚毒急以桐油多灌之吐出即愈再服濃甘草湯
食六畜肉中毒以壁上黃土水調服二錢即差
中巴豆毒以黃連大豆苘蒲汁並解之

誤食桐油令嘔吐飲熱酒乃解

救虎傷用生薑汁服煎洗傷處白礬末傅瘡上

救毒蛇傷并諸色惡虫毒氣入腹者用蒼耳草嫩葉搗汁灌之將渣厚敷傷處犬咬者煮汁服之

又方用艾於傷處灸三五壯拔去毒即愈

治蛇咬毒入腹者取兩刀於水中相磨飲其汁

治絞腸沙用好明礬末滾水調服

又方治絞腸沙痛不可忍炒鹽一兩熱湯調服危迫者灌入口中或吐或利腸痛即止

治痰喘用胡荽肉三箇生姜三片臨睡細嚼飲湯下就

枕又再嚼如前飲湯下即安

治咳嗽久患連嗽四五十聲者用生姜汁半合蜜一匙煎熱溫服三服立効

嘔噎用蘆根五兩切碎水三鍾煎一鍾服

治吐血并鼻中出血用藕節搗汁飲之

又方用好綿燒灰麪糊為丸酒下

治鼻中出血用亂髮燒灰并水調下更吹鼻中

治消渴用田螺五升水一斗浸經宿渴即飲水每日換水浸

治黃疸黑疸酒疸食疸用豬脂八兩亂頭髮如鷄子大
二塊同煎臨服絞去髮分二服病從小便出

治小便不通用蚯蚓搗碎以冷水濾濃汁服半碗立通
又方用鹽填滿臍中灸鹽上

又方用炒鹽半斤布裹乘熱熨小腹

又方用豬膽投熱酒中服立通

治大便秘通用豬脂二兩水一碗煮三沸飲汁立通

治痢瀉初起即以細茶生姜各三錢水二鍾煎至八分
服之重者各五錢煎服即止不愈再服

治赤白痢用薺菜根葉燒灰湯調下極妙

治諸痢以艾葉陳皮煎湯服

治眼目赤腫翳痛用鯉魚膽點之亦治雀盲

治赤眼用甘草水磨明礬傳眼胞上痛即止

又方以自己小便洗眼効

治蒼蠅入耳用皂角子研爛用生蠟血灌耳中

治蟻子入耳用猪精肉一指火炙令香置耳孔邊即出

治蜈蚣入耳用生薑汁或韭汁灌耳自出或以熟鷄肉

一塊置耳孔邊自出

治牙疼用樟冰土硃和勻綿包嚼定痛即止

治哮用鷄子二枚畧敲損膜不可全損浸尿缸內三四日煮喫即効

治水蠱用商陸根赤者杵汁貼臍心縮帛縛定日易効
治無故尿血用亂髮和瓜甲等分燒灰酒服方寸匕汗
血止用髮灰一字吹鼻中食中誤吞髮繞喉不出取
已頭亂髮燒灰水調服一錢匕前後不通燒末三指
撮投半升水中三服前後利血灰研飲方寸匕男女
通用

治蜘蛛咬遍身成瘡用青葱葉一莖去小尖頭孔內將一蚯蚓推入緊縛兩頭勿通氣但搖動即化水點咬處即効或用乾蔓菁根為末油搽復取煮湯飲

治腹滿不能服藥用獨顆蒜煨令熟去皮綿裹內下部中冷即易蛇虺咬人和酸草搏絞傳咬處鼻血不止用一枚去皮細搗攤一餅如錢大厚一豆許左鼻貼右脚心右鼻貼左脚心兩鼻兩脚心立瘥止則急以溫水洗之或取便用鹽嚼沃上煎湯洗妙

治喘化痰用猪蹄甲四十九箇淨洗控乾每箇納半夏

白礬各一字入錐子內封閉勿令烟出煨通紅去火
細研入麝香一錢患上喘咳嗽用糯米飲下小兒半
錢至妙

治反胃用驢便日服二合妙驢駒衣燒灰酒服能斷酒
心痛絞結連腰臍取驢乳三升熱服驢耳垢治蝎螫
付上或用黃丹醋調塗或半夏末水調塗或用楮樹
白汁塗之皆取便立効

治勞病用玄參一觔和甘松六兩同為末煉蜜一觔和
勻入瓷瓶內封閉地中埋十日取更用炭末六兩煉

蜜六兩和勻入餅內封更埋五日取出燒令病人鼻
常聞香疾自愈矣

麥斗金接骨其効如神用古老錢廿箇背上有字者佳
好硃砂一錢自然銅五分乳香三分沒藥三分先將
古老錢燒紅搗碎為極細末以後藥礪羅為細末和
勻用甜瓜子炒去殼搗細酒送下一麥斗又用酒送
下一麥斗良久不見響聲再服甜瓜子一麥斗酒下
催之不可多服一麥斗即今之一茶匙也

接骨用大蝦蟇生研似泥縛定其骨自然瘡

拆傷骨損用肝肝活老鴉眼睛藤濃煎滌洗之骨自上
人被鎗刀斫傷用匾栢搗爛加白蜜和勻傳患處縛緊
乾自愈矣

又方用何首烏搗爛加糟少許縛定骨拆處
蛇咬用人耳中糞捺咬傷處流盡血即無事

又咬極痛用烏龜板灰搽之即止

風犬咬用馬蘭頭草搗汁酒調一碗服之脚跟上出血
立愈

犬咬去毒血以米泔洗淨紙上炒黃丹赤色貼上立妙

又乾砂糖搽上尤妙

酒查鼻四年內外藏糟茄露調硫黃末搽四日後盡白
又方用連翹穰細茶各半不拘時和嚼食半月即白
治疔氣用鬼鰻頭黃泥固濟煨過為末空心酒下

治疔氣上衝如有物攔之心腕手足冷歆死者用陳皮
荔枝核炒黃硫黃各等分溶化投水去毒各為末飯
丸桐子大每服十五丸不拘時溫酒下其疼立止

治疔氣偏墜不拘遠年近日用木香三錢破故紙一兩
大茴香小茴香各五錢青鹽一錢五分川練子二兩

為末每服一錢溫酒調下

小腸氣攻上者用烏藥良姜白牽牛青皮末之酒下錢
神方硫黃火中溶化即投水中去毒荔枝核炒焦黃陳
皮等分為末飯丸每服十五丸其痛立止疼甚畧用
六丸不可多也

回春丸用茯苓一兩白朮一兩炒山查炒枳實炒八角
茴香一兩吳茱萸一兩炒荔枝核一兩橘核一兩蜜
丸姜湯下

解諸般毒 食信用雄鷄血暹熱飲之立愈

諸骨硬用燒紅鋸齒放酒內飲之即愈

鷄骨硬用舊靴皮化灰食之即愈

又方用玉簪花根搗汁入喉不可着牙齒甚妙

鷄魚骨硬用苧麻根搗汁灌下即化

又方用栗子肉嫩皮燒灰酒下

火盪用乳香定痛散乳香半錢輕粉一錢米粉葉莖粉
官桂各半兩黃丹粉霜各一錢為末以牛皮膠化開
稀稠入藥撓勻唇上試不熱可用取鵝毛搽患處安
藥不定端午日取蝦蟆燒灰存性為末瘡濕乾搽

刀傷用未出毛老鼠同陳石灰棟樹根上白皮車前子
同搗爛作餅陰乾為末搽之極効

耳脹痛不可忍用江魚齒火煨為末水調滴入耳中
又方用虎耳草搗碎取汁滴入耳內

耳孔出膿用枯凡石子射香輕粉各等分為末即愈
男子婦人身上出虫用槿樹根煎湯洗之即効

酒醉氣絕用小遺桶傾去尿將水徐徐蕩去浮垢畢急
將滾湯澆在尿垢上少頃取其清汁緩緩灌入口中咽
下鼻中有氣息斯得生矣 瘡瘍全書附方卷第十一畢

重校宋竇太師瘡瘍經驗

全書附世傳秘方卷第十二

宋燕山竇漢卿輯著

明三衢大酉堂繡梓

目錄

恠瘡一百有九

遍身肉出如蝨

眼身飛禽形

眼垂至鼻

腹中有聲應

好飲油

卧則四肢不動

皮痒抓之血出

眼白黑見物形

喘不能語垂死

手足甲出肉刺

脇破腸出

口臭氣凝如黑蓋

頭面發熱有光

身生泡水出有石片

醉吞水蛭

小便屎大便尿

玉莖硬不萎六主

身及面腫如蛇

大腸垂出不斷

兒身泡生出水

兒生無皮

寒熱肢有聲

腸出寸餘

鼻臭水流

肢脫而皮連

腹如鐵臍水出

眉搖而自不能視

皮血出脹如鼓

蛇瘕

蛟龍瘕

鼈瘕

雞瘕

尸厥

瘡如蛇出數寸

眼視物顛倒

婦胞傷不能便

產戶出肉線

產婦乳垂至臍

婦見壁前蓮花

病見物如獅

腫潰骨出

灸而血出手冷欲絕

頭皮蛆出

肘竅兒啼

頭風耳聾鳴

產婦舌不收

婦生虫

婦眼血出

產食茶粥一月身冷數塊

產門物如帕

婦三陰交血出欲絕

鬼擊身青

秋冬身紅點作痒

看剥死牛生泡

蛇入人竅

兒聞雷則昏倒

食下若別有咽至脇而痞

胸背皆駝

項與頭堅硬

心口痛

身痒入骨

喘不喘嘔不嘔心中憤憤

夏行飲水寒熱如刀刮

盤腸產

產後腹痛煩滿

婦腹諸病

婦腹痛陰中如石硬塞

兒遍身痒

陽物飛絲纏痛

胃寒腸熱

胃熱腸寒

疝引腹痛

口瘡不已

失音

腳指濕爛

新婚陰萎不舉

小便頻

女腕軟生物如豈痛

牙疼

卧身虱出

刮腸痢

婦因甌冲面腫

食肉癆虫

酒蟲

鼓脹

兒卒死吐利

狐惑

兒生目不開

驚風入耳

烟熏欲死

禿積

兒生有四死症

収蝎呪

老婦腹痛飢蟲

背發塊倦不食

眼赤鼻脹大喘

蟲如蟹走皮中

鼻毛三尺長而痛

離魂

穿斷舌心血出

身頭浮腫如蛇

蜘蛛咬

蛇咬

魅化為狐 食芹腹痛 治中鳩毒 食河鮑服藥

喉爛氣腥 大胞匾腎 中惡客忤睡死 雄黃毒

產尸垂腸 救凍死 壓寐卒死 一切藥毒

喉嘔腸出 中惡中忤眼見鬼物 一切菌毒

耳中血出 中惡客忤 天雄附子烏頭毒

舌上血出 酒食蟲 肉毒嘔吐 解河鮑毒

產傷胞破 解諸藥毒 五種蠱毒 解鱉鼈蝦蟇毒

癰口吐沫 治一切毒 巴豆毒 解牛馬肉毒

小腸疝氣 解砒霜毒 草烏毒 解飲饌中毒

服藥中毒

食魚中毒

食馬肝毒

自死六畜肉毒

中惡熱悶

椒閉口毒

食蟹中毒

中毒

中諸毒

小兒雜症

凡一十四款

甘草法

開乳法

浴法

不飲乳

初生七星瘡

驚哭有淚

遺尿

不小便

凍瘡

痘痂落血出

痘斑瘡

骨入肉

吞稻芒

吞鈎鈎

尿牀

糞門秤鈎瘡

慢驚炎法

附蠱毒挑生蟲

四端

重校宋竇太師瘡瘍經驗全書附世傳秘方第十二

一人遍身忽然肉出如錐痒痛不能飲食名血擁用赤皮葱燒灰水淋汁洗內服淡豆豉湯數盞而愈

一人眼前常見禽虫飛去捉之即無此肝膽經為疾用酸棗仁羌活玄明粉青箱子各一两為末每用水煎二錢和滓日三服

一人眼珠垂下至鼻大便血出名肝脹用羌活水煎數服即愈

一人腹中有物作聲隨人語言名應聲二服雷丸而愈

一人飲油五升方快意此乃髮入胃血累化為虫也用雄黃五錢水調服

一人卧於床四肢不能動只進得食好大言說喫物謂之失說物望病如說某肉即以其與看而不與食之失他物望也睡中流出餽唾即愈

一人遍身皮底渾如波浪聲痒不可忍抓之血出不能止名氣奔用人參苦枳青蘊細辛各一兩水二碗煎十數沸飲盡便愈

一人眼内白眥俱黑見物依舊毛髮直如鐵條不語如

醉名血漬用五靈脂末二錢酒調下愈

一人忽然氣上喘不能語口中涎流吐逆牙齒搖動氣出轉大即悶絕名曰傷寒併熱霍亂用大黃人參各五錢水三鍾煎八分服

一人手足甲忽然長倒生肉刺如錐食葵菜而愈

一人脅破腸出臭穢急以香油抹腸送入即不出又以人參枸杞子煎湯淋之皮自合喫猪腎粥十日愈

一人口鼻中氣出盤旋不散疑似黑蓋過十日漸漸至肩與肉相連堅勝鉄石無由飲食多因瘡後得之用

澤蘭水煎日飲三盞五日愈

一人頭面發熱有光色他人手近如火急用蒜汁半兩酒調下吐物如蛇遂安

一人渾身生泡如甘棠梨破則出水內有石一片如指甲大其泡復生抽盡肌肉不可治矣急用三稜莪朮各五兩為末分三服酒調下

一人夜有醉者誤吞水蛭腹痛黃瘦不進飲食用小死魚三四箇猪脂煎溶撈勻入巴豆十粒研爛和田中乾泥丸如葶苈大以口中冷水吞下一丸泄下為度

一人小便出屎大便出尿名交腸用舊幘頭燒灰酒下五分愈

一人王奎硬不痿精流無歇時如針刺捏之則脆乃為腎滿漏疾用韭子破故帛各一兩為末每三錢水煎日三服即止

一人身及頭面肉腫如蛇狀用雨濕磚上青苔一錢水調塗立消

一人大腸內垂出不斷斷之復生行坐不得鶴虱末水調服五錢自愈

一小兒初生如魚胞又如水晶碎則水流用蜜陀僧羅
極細末摻之

一小兒初生遍身無皮俱是赤肉掘土坑卧一宿即生
皮又方用白早米粉乾撲上候生皮乃止

一人寒熱不止四肢如石擊之如鍾磬聲日漸消瘦用
茱萸木香等分水煎服即愈

一人大腸頭出寸餘候乾自退落又出名截腸病用芝
蔴油罌盛坐之飲大麻子汁數升愈

一人鼻腥臭水流以碗盛而視之有鐵色蝦魚如米大

走踣捉之即化為水此肉壞矣一日食鷄肉二次一月而愈

一人四肢節脫但有皮連不能舉動名曰筋解用黃芩酒浸一宿焙為末酒下二錢多服方安

一人腹中如鐵石臍中水出旋變作虫行之狀遠身匝豕痒痛難忍扒掃不盡濃煎蒼朮湯浴之以蒼朮加麝香水調服之

一人眉毛搖動目不能視睥之不應但能飲食用蒜三兩取汁酒調下即愈

一人毛竅節次血出少間不出即皮脹如鼓口鼻眼目俱脹合名曰脉溢用生姜汁并水各一二盞服安

一人患蛇瘕乃蛇精及液沾菜上人悞食之腹內成蛇或食蛇亦有此症其人常饑食之即吐用赤頭蜈蚣一條炙末分二服酒下

一人患蛟龍瘕用寒水石飯三升每食五合日三服吐出蛟龍而愈

驚癰痛有來止或食驚即痛用鷄屎一升炒黃投酒中浸一宿焙為末以酒元浸酒調下

鷄瘕有病冷痰者醫曰因食白淪鷄過多故也用蒜一枚煮服乃吐一物如升大痰裹開視之乃鷄雛也再服吐十三雛而愈

一人屍厥奄然死去腹中氣走如雷用硫黃一两煇硝五錢細研分三服好酒煎煑烟起則止溫灌之片時再服而安

一諸瘡如蛇出數寸用硫黃末塗即消

一人眼中視物倒植用梨芦瓜蒂為粗末水煎服得吐而愈

婦產後有胞傷破不能小便常漏濕不乾用生絲絹一尺剪碎白牡丹根皮白芨各一錢水二碗煎至絹爛如錫空心頓服不得作聲作聲即不効

婦產後水道中出肉線一條長三四尺動之則痛歆絕先服失笑散數服次以帶皮姜三斤研爛入清油二斤煎油乾為度用軟絹兜起肉線屈曲於水道邊以前姜熏之冷則慰之一日夜縮其大半二日即入再服失笑散芎歸湯調理之如肉線斷不可治矣

婦產後兩乳忽細小下垂過小腹痛甚名乳懸用芎

歸各一觔內用半觔水煎服餘用燒烟薰鼻口二料
乃効

一婦見滿壁皆蓮花此痰症也服蒙石滾痰丸

一人患心疾見物如獅子伊川教以手直前捕之見其
無物久久自愈繼服牛黃清心丸

一人患腫毒潰後不時出一組骨用生桐油調蜜陀僧
如膏絹攤貼妙此亦內熱骨乃所化之物也謂之各腐骨

一人灸火至五壯血出一綫急如溺手冷欲絕以酒炒
黃芩二錢為末酒下則止

一人頭皮內時有蛆出以刀破皮用絲灰垂搗汁搽之
蛆出盡絕根

一人淵疽之發於肋下久則一竅有聲如嬰兒啼灸陽
陵泉二七聲即止而愈

一人患頭風症耳內常鳴頭上耳內有鳥雀啾啾之聲
此頭腦挾風所為也用芸歸而愈

一婦產子舌出不能收以硃砂付其舌乃令作產兒狀
以一女扶之壁外漸堆盆盎令墮地聲嚮使婦聞而
驚舌則收安矣

一婦忽生虫一對於地能行長寸餘自後月生一對醫以苦參加打虫藥為丸服之又生一對埋於土中過數日發而視之暴大如拳名子母虫從此絕根

一婦眼中忽有血如射而出或緣鼻流下但出血多時即經不行乃陰虛相火之病遂用歸身尾生地酒芍加柴胡黃柏知母條芩側柏葉木通萐仁紅花水煎食前服數劑而愈

一婦產後食茶粥每日二十餘碗一月後遍身冰冷數塊人以手指按其冷處即冷從指下上應至心如是

者二年諸治不効以八物湯去地黃加橘紅入薑汁
竹瀝一酒鍾十服乃可

一婦三陰交無故血出如射將絕以指按其竅縛以布
條昏倒不知人事以參一兩煎湯灌愈

一婦產戶下一物如帕有尖約重一斤却喜血不盡虛
急與黃芪白朮升麻各五分參歸各一錢水煎服三
劑而止

一人被鬼擊身有青痕作痛以金銀花水煎服

一人每至秋冬遍身發紅點作痒此寒氣收斂腠理陽

氣不得發越沸鬱內作也宜以人參敗毒散解表以補中益氣湯實表而愈

一人因剥死牛脊悶令看遍身俱紫泡急刺泡處良久遂甦更以敗毒藥而愈

多服紫金錠

蛇入人竅中急以手捻定以刀刮破尾用枳或辛辣物置尾以線繫之即自出不可拔

一小兒七歲聞雷則昏倒不知人事以人參歸身麥冬少入五味盡一斤後聞雷自若

一人但飲食若別有一咽喉斜過膈下徑達左脇而作

痞悶以手按之則漚漚有聲以控涎丹十粒服之少
時痞處熱作一聲轉瀉下痰飲二升再飲食正下而
逆胃矣

一人胸背皆駝頸漸短問其故因食旱魃所致患上用
紫蘇煎湯洗淨次用龜尿搽之

取尿法以龜置器中用鏡照之則尿出矣

一人心口痛葱白三根搗爛面粉三錢和勻熱酒調下
立愈

一人頸項腫與頭相統按之堅硬漏蘆湯一劑服下發
瘡頃刻消散

一人田間收稻忽然遍身痒入骨髓用食鹽九錢泡湯三碗每進一碗探而吐之三進三探則不痒矣

一少年玉莖挺長腫而痿皮爛常潤磨股難行兩脇氣冲上手足倦弱先以小柴胡湯加黃連大劑行其濕熱少加黃柏降其逆上之氣腫漸散莖中硬塊未消以青皮為君佐以散風之藥服之外以絲瓜汁調五倍子末付愈

一病人似喘不喘似嘔不嘔似噦不噦徹心中憤憤然無奈用生薑心夏湯主之半夏片半斤生薑汁一升

水三升先煎黃至二升後入姜汁共煎一升半待溫分四服日三夜一病止停服

一人暑月行百里渴而飲山水至晚以單蓆陰地上少睡頃間寒熱吐瀉身如刀刮而痛醫皆曰中暑進黃連香薷飲不應予診其脉細緊而伏此中寒也衆皆咲曰六月中寒有是事乎予以附子理中湯服而効冬傷暑一婦冬月洒洒惡寒翕翕發熱惡食乾嘔大便欲去不去諸醫以虛弱用滌痰二陳湯不効予治脉虛無力類乎傷暑衆不然深究之婦曰昨因天寒

取綿套蓋之得此一症誠哉傷暑也但綿套盛暑晒之熱收箱中必有暑氣今體虛得之易入故如是婦曰然遂用黃連香薷飲進二服即安噫冬夫傷暑夏月中寒病亦少見問切之功不可不知也

一盤腸產者臨產腸先出而後產子既產之後其腸不收以醋半盞冷水七分調勻噴婦面三噴則腸收盡此良法也

一產後腹痛煩滿不得卧用枳實畧燒黑芍藥等分為末麥冬下一錢許

一婦人腹中諸病用當歸一两半芍藥八兩澤瀉川芎各四兩白朮茯苓各四兩為末酒下一錢

一產婦因子死經斷不行者半年一日小腹忽痛陰戶內有物如石硬塞之而痛不禁衆醫不識青林曰此石瘕病也用四物加桃仁大黃三稜枳榔胡索附子澤瀉血竭二劑而愈

一小兒遍身痒甚以生姜搗爛布包擦之而止

一人在山亭裸体而臥其陽被飛絲纏繞腫痛欲斷以葳靈仙煎湯浸洗而愈

胃寒腸熱水谷不化腹脹痞滿洩利不止用川烏頭去
尖半兩山梔仁乾姜生各二錢半姜汁糊丸酒送下
日進三服

胃熱腸寒噤食而飢便溺小腹脹痛大便澀背皮三稜
蓬朮黃連各一兩巴豆霜二錢半麵糊丸如菉豆大
或茶或酒隨下三五丸

疝氣牽引小腹痛

疾藜炒附子炮梔子兩一每三錢水煎服

口瘡不已名赴筵散

黃柏 青黛 蜜陀僧各等分為末乾摻

失音不言

訶子四枚 生熟桔梗一兩 生炙甘草二寸 生炙俱各

每二錢童便水各一盞煎五七沸甚者不過三服

神應散 春夏脚指又濕爛

枯凡大分 飛丹五分 為末摻之

一少年新婚欲交媾女子阻之乃逆其意遂陰痿不舉

五七日以禿筆燒灰酒下二錢即起

小便頻數一日夜百餘次此脬氣不足服縮泉丸

益智仁烏葉大如臂者等分為末酒煮山藥打糊為丸如桐子大卧時用鹽酒送下七十九

一女子十六歲四腕軟皮處生惡物如黃豆大半在肉內紅紫色痛甚諸藥不效一方士將水銀四兩白紙二張搽熟蘆水銀三日自落而愈

牙疼新掘李樹根取白皮搗細濃浸時時含之絕根臨卧渾身虱出約至五升隨至血肉俱壞每宿漸多痛痒不可言狀雖喫水卧床晝夜號哭舌尖出血不止身齒俱黑唇動鼻開但飲鹽醋湯數次安

小兒刮腸痢眼閉口合名曰禁口痢用精猪肉一兩薄切片慢火炙以膩粉末五分旋鋪肉上炙令成脯如不喫放鼻頭聞香自然要喫

又方臘肉脯煨熟食之妙大人亦可服

一婦開甕為熱氣所冲面目腫而經閉

用炊飯布經久者燒灰随付随消

一人患痧二年一日無肉味腹痛不可忍恐傳染置空室待自終三日無因或患鷄子病人自煎食將熟鼻中碍忽打噴嚏有紅線二尺自鼻出鉤遂以碗蓋之

煎熟視乃癆虫也

一人自幼好酒片時無酒叫呼不絕全不進食日漸羸弱或執其手縛柱上將酒與看而不與飲即吐一物如猪肝入酒內其人遂安

鼓脹且食不能暮食痞滿名鷄屎醴飲

大黃桃仁鷄屎要乾者等分每一錢水一中姜三片煎湯調下愈后臨卧服

又方用猪血不着鹽水待自凝硬瀝去水晒干為末酒下洩之妙

三才圖會卷之三
十一
一小兒卒死而吐利不知是何病

狗屎丸絞汁灌之無溫者水煎乾屎取汁亦可

狐惑証下唇有瘡曰狐乃虫食其肛黃芩煎湯洗之上
唇有瘡曰惑乃虫食其臟因腹內熱腸胃虛虫出求
食用瀉心湯大黃二兩芩連一兩水煎服

小兒胎受熱毒生下面目不開

灯心黃連秦皮木賊各五錢水一盞煎澄清頻洗之
一室女近窓做女工忽患頭疼其諸藥不効一醫徐察
知窓外畜鷺知為鷺虱飛入耳內以而痛也以棉桿

煎濃汁灌之虱死而出遂不痛

一居民逃難石室中以烟攻之偶得葡萄食之而甦
又法以口呵地即不死

禿積 鯽魚一枚四兩重去腸以亂髮填蒲濕帛裹燒

存性入雄黃生麻油調付 先用藥湯洗

即辣黎

小兒初生身破裂者必死陰不起者必死股間無肉死

無糞門者必死一云必假物以開之

近有女之陰亦不開者夫以小小開之

收蝎法每年除夜左手拽起前裾右手執三尺長棍向
門榻上敲三下念呪云蝎云蝎螫螫螫不向梁上走

却來這裏螫一敲敲八節呪畢吸氣一口吹入于杖頭復吸其氣吹于執杖手心如此三次即已遇有蝎蜚以手摩之即不痛可用一年次年除夜必如法為之否不驗也

一老婦喉心中咬痛得食則止心思香燥之物偶夏天猫繞脚而叫此婦素性愛猫取鹿脯嚼之喉中忽有一物出急取之墮地頭足皆有五寸長許乃飢虫也一人背發一塊心神兀兀四肢倦怠飲食不進一醫曰此風瘤也剖開果風合許甘草湯洗淨拭乾將多年

油木梳煨灰為末菜油調搽立愈

眼赤鼻張大喘渾身出班毛髮如銅鐵乃目中熱毒氣結于下焦用白丸滑石各一两為末作一服水三碗煎至半冷不住飲尽乃安

一人有虫如蟹走于皮下作聲如小兒啼為筋肉之化

雷丸雄黃各一两為末摻在猪肉片上炙熟喫盡自安

一人髮上水珠如汗滴不止用甘草一斤煎湯三四碗作三四服其水即止此証自幼間服藥過多故也

一人鼻中毛出晝夜可長一二尺漸漸粗圓如繩痛不可忍雖痛一摘一莖即后復生此因食猪羊血過多

用乳香硃砂各一兩為末飯丸空心臨卧

水下十九即落

一人自奄自形作兩人並卧不別真假不語問亦無對
乃是離魂用辰砂人參扶神濃煎湯飲之

真者氣爽假者化也

一婦六十餘歲得飢疾每作時如虫吃心得食方解知
是三四年来夏熱卻涼有一猫甚愛通猫達叫取鹿髓

一自嚙喉猫至于再嚙竟一物上觸喉間引手探得之如母指大陸地以火照之其物頭尖而匾類爛沙魚形身如蝦破腹有八子其病即愈

一人穿断舌心血出不止以米醋用鷄翎刷所断處其
血即止仍用真蒲黃杏仁去皮尖礪砂少許為末煉

蜜調搽或噙化而安

一人身上及頭面肉上浮腫如蛇狀用雨滴堦磚上苔

痕水化開塗蛇頭立消

一人被蜘蛛咬腹大如孕婦有遊僧見之教飲羊乳一日而平

魃魅變化為猫為兔為鬼病人為其所惑不肯言鬼獺然如痴用鹿角屑搗末用水調服頃間即實言為鬼所憑也

一人食芹菜忽患腹脹而痛醫曰蛟龍子多生芹上用錫糖粳米杏仁乳餅煮粥食之三升日三服吐下蛟龍子有兩頭者我

明太宗皇帝好食生芹日久腹痛召太醫盛御醫治之盛
詢知好食芹菜乃製田中泥土為丸服之二次明早利
下虫無數皆小螞蝗小沙搭子耳其痛即愈

隆慶二年十一月友人吳爰樓喉間忽生一塊形色如田
螺頗堅硬一月餘爛開寸許氣甚腥臭至十二月邀麟
診視之莫測其為何症不敢輕答坐良久細思之問其
家眷平日曾患楊梅瘡否對曰不曾患此瘡止一日忽
見孩兒頭面皆生楊梅瘡問曰此兒誰家子也對曰病
人之長兒也遂原其由爰樓得子甚晚頗鍾爰晚以頭

枕父臂子口對父之口其毒氣盡蒸于肺故喉之下肺之上爛一大孔急以鮮蚌大者以刀抉開取其水以絹漚爭一日五六次灌之吐出臭涎盈斗將冰片

孩兒茶 雞內金 朋砂 大紅絨灰 牡蠣

青靛 人中白 杏仁灰 等分末之極細吹入

患處一日七八次外服人參 桔梗 甘草 玄參

黃芪 天花粉 鼠粘子 生地 芍藥 當歸

金銀花 小柴胡 冷飯糰 麥冬

右剉水煎服三月而愈

一少婦產兒後忽玉戶中垂尺許如白腸之狀少不知事私以手摘斷至晚腹痛號泣而絕此腸即生腸又曰胞戶子宮切不可損損則傷生蓋氣血衰敗未能收入宜多進活血之劑三二日間自然收入不足憂恐也予治四三人皆以此藥之力

一友人春月將熟羊肉熟豬肉露放月臺之上明日治以燕客凡二十餘人皆吐嘔不安唯二三人不吐嘔蓋食肉少而酒多也一老醫云此蓋夜露之毒也如秋夜之氣清露亦不毒今人以酒醺漬之良妙以甘

草煎湯飲之即愈

隆慶三年己巳正月二十七日鹽商胡小溪家人媳婦年
方二十三歲懷脈九月矣一日食魚魚骨梗喉間至半
日嘔吐繼之以血碗許魚骨尚在喉中忽吐出一條約
有二尺餘形如小腸濶五分內有所食魚菜粉皮飯未
化家人為推入口中尚餘五寸其夫復納入之遂昏倦
自此嘔吐不止湯亦不能進延予治之遂將生炭火一
盆放病榻前以好醋一碗沃之使醋氣盈滿其室清其
神也進以牛黃清心丸腹竟有微疼再用人參養胃湯

倍加人參一分 紅花 牡丹皮 當歸 川芎

白芍 生地 阿膠 煎服五六貼病全愈矣

嗟夫此婦所吐之腸有類於腸耳若腸出而斷頃刻立斃豈有得生之理此吐出者肺之系也因嘔吐太甚被氣冲逆而斷其連肺之一頭隨吐而出今既納入復吐不已氣不平耳今用醋湯以清其神牛黃丸以清其心煎劑以補益其血氣故旬日之間安妥如常此亦原其病而藥之耳豈肯效好利之人乘其危而邀名索物者同日而語哉醫者意也全在活法書此以為世勸

耳中血出不止 龍骨末付之

救凍死以熱灰熨心冷即易之目開氣出以粥湯溫補
凡中惡中忤忽然眼見鬼物惡氣驚然倒地四肢厥冷
兩手握拳口鼻出清血此與尸厥同勿移動即令人
圍繞燒火及射香安息蘇木桃頭之類待省方可移
歸

舌上忽血出如簪孔赤小豆一升杵碎水三碗和撓取
汁每服一盞不拘時服槐花末參上亦妙名曰舌切
婦人生產傷動尿胞破終日不能小便但漏濕耳

黃絲絹一尺生者煎碎

白牡丹根皮千葉者為末用無不效

白芨末不水二鍾煮絹爛如泥空心服服時勿作聲
作聲不效慎之

中惡客忤睡死射香一錢研和醋灌一合入腹即甦
一人患癰口出微膿如蟹吐沫此肉潰透膜也瘡瘍透
膜十無一生須大補亦不活也

琥珀萬安丸 治男婦酒食虫

檳榔四兩 白牽牛末 黑牽牛末各三兩 雷丸 大黃

知母 貫衆各兩 沉香 木香各半兩 蕪荑兩

右為末每用四錢五更生薑一塊次用隔宿糖湯露一夕次早調藥服下黃赤黑白虫積病根直至日晡喫白粥補之先服生薑免至惡心此方亦可水丸服四錢重

雄射散 治五種蠱毒

雄黃末射香另研各一子

用生羊肺一指大以刀切開內藥在內肺裏吞下

國老飲 治蠱症

白朮末甘草各等分古為細末每服二錢食遠水調

下或吐黑涎或瀉皆効若平生預服防蠱者宜以甘草熟煮者服即內消不令吐神驗

保靈丹 治諸蠱毒一切藥毒神効

硃砂另研 大山豆根五錢 雄黃 黃丹 射香

黃蘗子 續隨子生研 巴豆不去油 斑蝥去翅足

糯米生炒 赤蜈蚣 二條 炙 一生

右各修製入乳鉢研和于端午重陽臘日修合勿令雞犬婦人見用糯米糊丸如龍眼核大陰乾瓷盒收每服一九茶清吞下不得嚼被酒史病人自覺心願

如洩斷度係聲將次毒物下或自口出或自大便出
嫩則是血老則成蟹或蛛娘等狀藥丸凝血並下如
口禁棺開下藥或蛇蝎諸毒以醋磨傳患處忌酒肉
毒物一月惟軟飲飯可也

芥花湯

解諸藥毒

芥花能亂人參即此芥花也

蒼花

黑豆

甘草

各等分

右咬咀每服七錢水二盞煎八分去粗溫服

奇方治一切毒

白扁豆晒乾為末每服二三錢新汲水調頓服得利

則安

一方 鮮砒霜毒

白扁豆 青黛 甘草 各等分 巴豆 搗去殼用半片
右為細末每服一錢以砂糖一大塊水一中化開調
藥飲之毒隨利后宜進五苓散益元散

又方 鮮砒霜毒以早禾稗燒灰新汲水淋汁絹袋濾
過冷服一椀毒從下利即安

一方 藍飲子 鮮砒毒及巴豆毒用藍根砂糖三味
相和研水服之或入薄荷汁尤妙

解巴豆毒

寒水石磨水服黃連煮汁服菖蒲

新者搗
車汁服

中巴豆毒

其証口黑面赤五心煩熱利不止用芭蕉

根葉搗

解草烏毒

詩曰

草烏之毒最粗凶

甘草濃煎服有功

米醋砂糖皆可用

白丸水點亦能攻

解天雄附子烏頭毒

防風棗肉濃煎服

解一切菌毒

掘一地窟取黃土以新汲水于內攪之

澄清少取水飲之名地漿

解河豚毒

一時困危急以桐油多灌之使毒物盡吐
出為愈或以白丸為末調湯服中河豚毒能殺人服
此藥毒自消

解鱉蠍蜈蚣毒

生豆豉一大合新汲水一椀煮豆豉

濃汁頓服效

解食牛馬肉中毒

大甘草四兩以無灰酒研服盡病

人量飲之須臾吐

大瀉如渴不可飲水飲之必死

肘后方

服雄黃中

毒防已汁解之

金櫃玉函

治誤飲

饌中毒者未審中何毒卒急無藥

可解只煎甘草薺草湯服之入口便石

聖惠方 治中鳩毒氣欲絕者用葛根二合水三盞調

飲之如口噤者以物搗開灌之燒食平夏苗故有毒

肘後方 治食魚中毒濃煮橘皮飲汁

梅師方 治食馬肝有毒殺人者以碓鼠屎三七枚和

水研飲服之

梅師方 蜀椒閉口者有毒誤食之便氣欲絕或下白

沫身体冷急用井水三二碗飲之立解椒毒

或煎濃豉汁服之

聖惠方 治食蟹中毒以生藕汁或煮乾蒜汁或冬瓜汁或紫蘇湯並佳

葛氏方 食自死六畜肉中毒黃蘗末服方寸匕未解再服之

外臺祕要 服藥過劑及中毒煩悶欲死燒犀角末水服方寸匕

肘后方 服藥過劑及中毒煩悶欲死刮東壁土以水三升調服之

輟耕錄 治食河豚者一日內不可服湯藥恐內有荊

芥與此物大相反亦惡烏頭附子之屬世傳中此毒者乃函飲糞清乃解否則必死又聞不必用此物以龍腦浸水服之能解或橄欖皆可解後得一方用槐花炒過與乾胭脂各等分同搗為末用菰豆粉水調灌大妙如無新橄欖以其核多磨汁服之良愈

一方 治中諸毒卒惡熱黃悶欲死者以人尿者最効須與水和服其乾者燒烟絕水漬飲汁名破棺湯破棺散 治厥寒卒死及為墻壁竹木所壓水溺金瘡卒致悶絕產婦惡血冲心諸暴絕証

半夏湯泡七次去滑為末吹入鼻中

或以皂角末吹入亦可

凡魘者不可用灯照亦不得近前急喚但痛咬其足跟並大拇指甲邊或以皂角末吹鼻

硃砂散

治中惡中忤鬼氣其証暮夜或登廁或出郊

野或遊空室冷屋或人所不至之地忽然眼見鬼物口鼻吸着惡氣驀然倒地四肢厥冷兩手握拳鼻口出清血此証與尸厥同見此切勿移動即令親人圍繞燒欠或燒射香安息香蘇木桂木之類直候記省

方可移歸

犀角屑

研末

射香

硃砂

各一錢

右為末每服二錢新汲水調灌之

又方 雄黃為細末每服一錢桃葉煎湯調灌下

又方 治人恍惚見鬼發狂平胃散加辰砂末棗湯

又方 治客忤中惡多于道路在外 得之令人心

疴痛腹滿氣冲心胸不急治殺人好京墨為末每服

二錢沸湯調服或瓦器盛湯用衣襯貼于肚上熨之

湯冷則換

灸法 救厥死及一切卒死及諸暴絕証用藥或不効
急于人中穴及兩脚兩大指離甲一韭葉許各灸
三壯五壯即活

又法 灸臍中百壯亦効

灸大胞匾腎以灸壯放在大母指甲并半在肉灸七壯
七日避風勿洗足戒房勞即効

小腸疝氣以陽物扯長對中毛際并運左右兩边以物
住處墨點記之小灸壯灸七即愈

又烏絨樹莢肉子微炒為末早晨空心好酒調下三錢

小兒雜症

小兒初生休與乳取甘草一指節長火上炙脆以水三合煮一合綿蘸兒口中可蜆殼上兒當快吐腦中惡汁后待兒飢渴更與兩服不吐盡一合止得吐惡汁后兒智慧無病

新生三日開腸胃研粳米濃作飲如乳與兒服

兒初生時以猪胆汁傾湯內浴兒永無瘡疥之疾月內用生下不飲乳及小便不通乳汁二合葱白一寸分四破銀石器內煎一合灌立愈

生下舌下有膜如榴子連于舌根令兒語言不發可摘
斷微有血如血不止燒髮灰摻之又用白凡灰釜底
墨酒調用 此瘡名七星瘡或以細針挑之

驚哭有淚是肚腹痛用蘇合香丸酒服

小兒睡中遺尿不自覺以桂末雄鷄肝等分為末日進
三服

不小便鹽安胎中熨之 尿血甘草煎服之

凍瘡取金毛狗脊上毛貼之

頭面痘痂剝去膿血出以真麻油潤之免成癢痕酥小食

痘斑瘡心燥卧眠不安乳小麻煎汁綿蘸拭乾

諸骨入肉不出者煮白芨肉爛研象牙末厚付骨刺自出

稍芒入喉中取驚涎灌之立出

釣魚針勾入喉中難出尤用木針撐口次以糯米珠如筭盤珠樣穿線中扯出即出

尿床以羊肚盛水令瘡紫兩頭煮熟開取水頓服

小兒月內瘡門上忽有白瘡孔此乃疳勾瘡也深難療者急用白褐燒灰搽之

又方紅絨灰

二錢

珍珠五分

軒粉五分

孩兒茶二錢

血竭

一錢

乳香一錢

右各為末乾摻

慢驚灸法

以醬一七塗在百會穴用艾圓如半粒黃豆大者灸五壯為度五壯之內不拘次第嬰兒哭聲如平時無異者生其聲嘶不響亮者死累試累効百會穴在頭頂心旋毛中是穴凡嬰兒月內雖無驚病依法灸之能免一疳之驚况泄瀉灸之亦妙

附錄 蠱毒挑生毒 四 端

福建諸州大抵皆有蠱毒而福之古田長溪為最其種有四一曰地蠱二曰金蚕蠱三曰蜈蚣蠱四曰蝦蟆蠱皆能變化隱見不常皆有雌雄其交合皆有定日近者數月遠者二年至期主家臨禮迎降設盆水於前雌雄遂入於水中交則毒浮其上乃以針眼刺取必於是日毒一人蓋陰陽化生之氣納諸人腹而托以乃育越宿則不能生故當日客至不暇恤宗親朋舊必施之凡飲食藥餌皆可入獨不置熱羹中遇

熱則消爛或無外人至則推本家一人承之毒初入
腹若無所覺積久則蠱生藉人氣血以活益久則滋
生長乃食五臟曉夕痛楚不可忍惟啜百沸湯可暫
息須臾甚則叫呼宛轉爬刮床席臨絕之日眼耳鼻
口涌出虫數百形狀如一漬於水暴乾久而得水復
活死者之屍雖火化而心肺獨存殆若蜂窠淳熙中
畜蠱之人事泄呈之官檢其家得銀珂領子五色線
環玦及小木棋子兩面書五逆五順四字盛以七孔
合又針兩包各五十枚而十一無眼及大蜈蚣一條

率非尋常人家所用。鞠訊其人乃云所謂順逆棋子者降蠱之時所用。以卜也得順者客當之逆者家當之。針之無眼者以眼盛藥。既用則去之。蓋所殺十一人矣。五色線凡蠱喜食錦錦不可得乃以此代其銀珂領者歎嫁蠱移諸他處。真道旁其見者取之也。凡中蠱毒無論年代遠近但煮一為卵插銀釵於內併含之約一食頃取視釵卵俱黑即中其毒也。其方五倍子二兩研黃末一錢甘草三寸一半炮出火毒一半生丁香木香麝香各等分輕粉三分糯米二十粒

共八味入小沙瓶內水十分煎取其七候藥面生皴
皮用熟絹濾去滓通口服病人平正仰臥令頭高覺
腹間有物衝心者三即不時動若吐出以桶盛之如
魚鰾之類乃是惡物吐罷飲茶一盞瀉亦無妨疑煮
白粥補忌生冷油膩酢醬十日後服解毒丸三兩又
經旬日可得平復

昔一顯官與泉州高僧西遊道由峽程其村舍皆能
畜蠶若就食必遭其毒無可奈何僧曰吾有神咒可
無憂也食至僧閉目持誦俄見小蜘蛛延緣螫吻僧

曰速殺之於是竟食無所損其呪曰姑蘇嚙磨耶嚙
吾知蠱毒生四角父是穹窿窮母是舍耶女眷屬百
千萬吾今悉知汝摩訶是時同行者競傳之所至皆
無恙更傳解毒方用豈豉七粒芭豉去皮兩粒入百
草霜一處研細滴水研如菰豉大以茅香湯送下七
丸 又方 治金蚕毒纔覺中毒先含白礬味其而
不澁須嚼黑豉而不腥者是也急取石榴根皮煎汁
飲之即吐出活虫無不立愈又以白礬芽茶搗為末
冷水調服凡一切毒皆可治

昔人肋下忽腫起如生瘡癰狀頃間大如盆識者
云此桃生毒也候三更以桑葉嚼試若香甜即是已
果然速搗川升麻為細末以冷熱水調二錢速服之
遂瀉下其生葱數莖根鬚皆具其瘡即消續煎平胃
散調補且食白粥經旬始復常

有一書生中鷄肉桃生使商人善醫與藥服之頃吐
積肉一塊剖開筋膜中有生肉存已成鷄形頭尾嘴
翅悉肖似凡食魚瓜果皆能用桃毒初中時覺脰腹
稍痛明日漸加攪刺滿十日則內物能動騰上則胸

痛沉下則腹痛積以瘦悴此其候也在上膈則取之
其法用熱茶一甌投膽礬半錢於中俟礬化盡通口
呷服良久以鷄翎探喉中即吐出毒物在下膈則瀉
之以米飲下鬱金末二錢毒即瀉下乃礬人參白朮
末各半兩同無灰酒半斤納瓶內慢火熬半日許度
酒熟取出溫服之每日一杯五日乃止然後飲食如
常此蠱毒桃生毒世人乃極難治者予偶閱古書中
得之專附錄於後以備參考焉

少雲張憲